

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
KANTONALNI SUD U SARAJEVU
Broj: 009-0-Su-23-000683
Sarajevo, 30.08.2023.godine

Na osnovu člana 31. Zakona o sudovima u Federaciji Bosne i Hercegovine („Službene novine Federacije BiH“, broj 38/05, 22/06, 63/10, 72/10 i 7/13) i člana 9. Pravilnika o vrstama javnih prihoda u F BiH („Službene novine FBiH“ broj:104/22), uz prethodno pribavljeno mišljenje Ministarstva finansija Kantona Sarajevo, predsjednik Kantonalnog suda u Sarajevu donosi:

**PRAVILNIK O UTVRĐIVANJU VRSTAMA I NAČINU TROŠENJA VLASTITIH PRIHODA
KANTONALNOG SUDA U SARAJEVU**

I OSNOVNE ODREDBE

Član 1.
(Predmet)

Ovim Pravilnikom utvrđuju se vrste vlastitih prihoda, kriteriji za utvrđivanje vlastitih prihoda te način planiranja i rokovi za raspodjelu vlastitih prihoda koje ostvaruje Kantonalni sud u Sarajevu.

Član 2.
(Kriteriji)

1) Shodno Pravilniku o vrstama vlastitih javnih prihoda u FBiH kriteriji za utvrđivanje vlastitih javnih prihoda su da:

- a) prihod ne spada u kategoriju poreza, doprinosa, taksi, naknada i kazni;
- b) prihod nije kao javni prihod propisan posebnom odredbom u zakonu;
- c) prihod se ostvaruje obavljanjem aktivnosti na tržištu i u tržišnim uslovima, za aktivnosti koje mogu obavljati i drugi pravni subjekti na tržištu, odnosno ne postoji zakonska isključivost da aktivnost vrši samo određeni pravni subjekt;
- d) prihod se ostvaruje obavljanjem aktivnosti na tržištu i u tržišnim uslovima od strane budžetskih korisnika budžeta Federacije, kantona, jedinica lokalne samouprave i

vanbudžetskih fondova a koje aktivnosti mogu obavljati i drugi pravni subjekti na tržištu (ne postoji isključivost za obavljanje aktivnosti), s tim da je ta aktivnost izvan propisom utvrđene osnovne djelatnosti uređene propisima o osnivanju i utvrđivanju djelokruga rada tog subjekta.

2) Kriteriji iz stava (1) tač. a), b) i d) ovog člana primjenjuju se na kumulativnoj osnovi za utvrđivanje vlastitih javnih prihoda budžetskih korisnika budžeta Federacije, kantona, jedinica lokalne samouprave i vanbudžetskih fondova koji su uvršteni u registar budžetskih korisnika i koji su definirani kao organi uprave i upravne organizacije prema propisima kojima se isti osnivaju, utvrđuje njihov djelokrug rada, organizacija i funkcioniranje.

3) Kriteriji iz stava (1) tač. a) do c) ovog člana primjenjuju se na kumulativnoj osnovi za utvrđivanje vlastitih javnih prihoda budžetskih korisnika budžeta Federacije, kantona, jedinica lokalne samouprave i vanbudžetskih fondova koji su uvršteni u registar budžetskih korisnika i nisu obuhvaćeni stavom (2) ovog člana.

II - VRSTE VLASTITIH PRIHODA

Član 3.

(Vrste vlastitih prihoda)

U skladu sa kriterijima iz člana 2. ovog Pravilnika Kantonalni sud u Sarajevu ostvaruje vlastite javne prihode od iznajmljivanja poslovnog prostora.

Član 4.

(Pravni osnov)

Pravni osnov za ostvarivanje vlastitog prihoda iz člana 3. ovog Pravilnika je Ugovoru o izdavanju u zakup opremljenog poslovnog prostora koji se nalazi u zgradi Općinskog i Kantonalnog suda u Sarajevu koji se po provedenom javnom pozivu zaključuje sa zakupcem.

III – PLANIRANJE I RASPODJELA

Član 5.

(Planiranje i raspolaganje)

1) Planiranje i raspolaganje vlastitim javnim prihodima, kao i nadzor nad istim vrši se u skladu sa Zakonom o budžetima u Federaciji Bosne i Hercegovine ("Službene novine Federacije BiH", br. 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22), propisima koji uređuju računovodstvene politike za budžetske korisnike, propisima koji

uređuju način plaćanja i trošenja vlastitih javnih prihoda korisnika budžeta i ovim Pravilnikom.

2) Vlastiti prihodi iz člana 3. ovog Pravilnika se planiraju u budžetu Kantonalnog suda u Sarajevu.

3) Kantonalni sud u Sarajevu će ostvarene vlastite prihode koristiti za pokriće izdataka za materijal i usluge.

4) Ostvarene i naplaćene vlastite prihode Kantonalni sud u Sarajevu je dužan da rasporedi na rashode u finansijskim mjesečnim planovima izvršenja Budžeta Kantona Sarajevo.

5) Vlastiti prihodi se mogu koristiti samo u toku fiskalne godine, a neutrošeni dio vlastitih prihoda postaje javni prihod Budžeta Kantona Sarajevo.

Član 6.

(Uplata prihoda)

1) Prihodi iz člana 3. uplaćuju se na depozitni račun javnih prihoda Kantona Sarajevo u skladu sa Pravilnikom o načinu uplate, pripadnosti i raspodjele javnih prihoda u Federaciji Bosne i Hercegovine ("Službene novine Federacije BiH", br. 54/20, 55/20 - Isp, 63/20, 88/20, 28/21, 56/21, 83/21, 1/22, 34/22, 57/22, 76/22, 93/22, 94/22, 10/23 i 37/23).

2) Uplate iz stava 1) ovog člana se do 31.12.2023.godine vrše na vrstu prihoda 722631 – Vlastiti prihodi budžetskih korisnika, a od 01.01.2024.godina uplate se vrše na vrstu prihoda 722642 – Vlastiti prihodi od iznajmljivanja poslovnih prostora

2) Kantonalni sud u Sarajevu odgovoran je za blagovremenu naplatu potraživanja po osnovu vlastitih javnih prihoda, kao i poduzimanje svih mjera za njihovu realizaciju.

3) Zabranjeno je evidentiranje i plaćanje vlastitih javnih prihoda na bilo koji način koji je u suprotnosti sa odredbama ovog pravilnika.

IV- PRELAZNE I ZAVRŠNE ODREDBE

Član 7.

(Stupanja na snagu pravilnika)

Ovaj Pravilnik stupa na snagu nakon dobijanja saglasnosti Vlade Kantona Sarajevo.

Stupanjem na snagu ovog Pravilnika prestaje da važi Pravilnik o sticanju i raspodjeli vlastitih prihoda broj 009-0-Su-16-001100 od 23.01.2017.godine.

PREDSJEDNIK SUDA
Vladimir Špoljarić

